

CONXEMAR 2024

BERTARATZEKO DEIALDIA

- **Data:** 2024ko urriak 1-3
- **Tokia:** IFEVI azoka gunea, Vigo
- **Maiztasuna:** Urtero
- **Nori zuzenduta:** Arraina eta era guztietako produktu izoztuak merkaturatzen dituzten sektoreei zuzenduta; eta prozesadoreen inportatzaile/esportatzaileen, banaketaren, banaketa handiaren eta HO.RE.CA. kanaleko espezialisten bisitekin
- **Izena emateko epea:** 2024ko otsailaren 29a
- **Azokaren webgunea:** www.conxemar.com

Eusko Jaurlaritzako Ekonomiaren Garapen, Jasangarritasun eta Ingurumen Sailak, Elikaduraren Euskal Industria kanpoan sustatzen laguntzeko jardueren barruan, **CONXEMAR 2024** azokan Euskadiko enpresen baterako parte hartzea antolatu du, azokaren hogeitabosgarren edizioan. Azoka Vigon egingo da, 2024ko urriaren 1etik 3ra.

AZOKAREN IZAERA

ERAKUSKETARIAREN PERFILA

- CONXEMAR arraina eta era guztietako produktu izoztuak merkaturatzen dituzten sektoreei zuzenduta dago, eta izoztuen azokarik garrantzitsuena da nazio mailan eta bigarrena mundu mailan.
- CONXEMAR publiko profesional bati zuzenduta dago eta banaketa-kanal ezberdinetako erosle lider ugari erakartzen ditu.
- 2023an 767 erakusketarik hartu zuten parte 38.300 m²ko gune batean, eta 110 herrialdetako 26.736 bisitari bertaratu ziren.

BISITARIAREN PERFILA

- CONXEMAR banaketa-kanaleko profesionali zuzenduta dago (inportatzaileak, esportatzaileak, banaketa, prozesadoreak, banaketa handia eta HO.RE.CA. kanaleko espezialistak)
- Honako sektore hauetara zuzentzen da: handizkariak, inportatzaileak, esportatzaileak, transformatzaileak, fabrikatzaileak, banatzaileak, hozkailuak, makineria, industria laguntzailea (hotza, enbalajeak, plastikoak...) akuikultura.

CONXEMAR AZOKAREN DATUAK

Erakusketa
eremua:

38.300 m²

2023ko
erakusketariak:

767
erakusketari 45
herrialdekoak

2023ko
bisitariak:

26.736
profesional 110
herrialdekoak

PARTE HARTZEKO BALDINTZAK

Egoitza **Euskadin** duten eta Eusko Jaurlaritzaren **Elikagaien Industrien Erregistroan** inskribatuta dauden **enpresa ekoizleak** baino ezingo dute parte hartu ekitaldi honetan.

Enpresa erakusketaria azokara joango dela egiaztatzen denean, izena emate formularioa beteta eta ordainketa-egiaztagiria bidalita, ordaindutako zenbatekoa ez da itzuliko azoka egiten bada eta Eusko Jaurlaritzak azokan parte hartuko duela berresten bada.

Azoka egiten ez bada, HAZIk dagokion zenbatekoa itzuliko du.

Eusko Jaurlaritzako Ekonomiaren Garapen, Jasangarritasun eta Ingurumen Saileko Nekazaritza eta Elikadura Industrien Erregistroan inskribatuta dauden eta egoitza soziala Euskal Autonomia Erkidegoan duten enpresa ekoizleei bakarrik zuzenduta dago ekitaldi honetan parte hartzea.

AZOKAREN AURRETIK

- Enpresaren ordezkari batek **bertaratzeko konpromisoa** hartzea eta dagokion kuota ordaintzea. Beraz, ezin izango da ekintza horretan baja eman Euskadiko standean sartu dela jakinarazten denean.
- Enpresak **nahitaez egon beharko dira** muntaketa-egunean, adierazten zaien orduan merkantzia jasotzeko, bai eta azokaren inaugurazioa baino behar besteko aurrerapenaz beren standak apaintzeko ere.

AZOKAN ZE HAR

- Erakusgai dauden produktuak Euskal Herrikoak baino ez dira izango. Ezin izango da, inola ere, beste autonomia-erkidego batzuetako produkturik aipatu edo aurkeztu.
- Azokako egun guztietan eta irekitzeko ordutegi osoan zure stand-ari erantzutea.

Enpresa batek standaren arreta utziko balu justifikatutako salbuespenezko arrazoirik gabe, azoka baten ordutegi ofizialean, hurrengo edizioan lehentasunezko edozein eskubide galduko luke (izena emateko ordena, etab.). Inskripzio- eta ordainketa-datetan egindako gainerako eskaera guztiei erantzun ondoren lekua geratzen bada bakarrik erantzungo litzaien zure eskaerari.

Era berean, enpresa batek edo batzuek erakustokia uzteagatik, Eusko Jaurlaritzak, elkartutako presentziaren antolatzaile gisa, azoka-erakundearen zehapen ekonomikoren bat jasotzen badu, zehapen hori berehala jasanaraziko zaio arau-haustea eragin duen enpresari edo enpresei.

- Azoka amaitzean produktu guztiak behar bezala biltzea eta standeko elementuak jaso ziren baldintza berberetan entregatzea.

AZOKAREN ONDOREN

- **Ebaluazio-galdetegia** bete eta eskatzen zaienean entregatu.

PARTE HARTZEKO EREDUA ETA KOSTUA

PARTE HARTZEKO EREDUA

Eusko Jaurlaritzaren aurreikuspenen arabera, Euskadi Basque Country stand-ak 2023koaren antzeko espazioa beteko du.

Eusko Jaurlaritzaren standak gehieneko enpresa kopuru bat izango du. Interesa duten enpresa gehiago egonez gero, hautapena egin beharko da, izena emandako hurrenkerari zorrotz erreparatuz. Izen ematea osatuta egongo da baldin eta dokumentu guztiak aurkezten badira ordainagiria, zinpeko adierazpena eta izena emateko inprimakia beteta.

Horrez gain, Eusko Jaurlaritzaren presentzia interesa duten enpresen kopuruaren menpe egongo da, baita azokaren antolakuntzak ezarritako segurtasun protokoloaren menpe ere.

• Stand eredua:
INDIBIDUALA

Oharrak:

1. Stand bikoitza edo hirukoitza esleitzeko irizpidea enpresa parte hartzaileen kopurua izango da.
2. Euskal Autonomia Erkidegoko lehen sektorearen produktua eraldatu eta merkaturatzen duten enpresen parte hartzea bultzatuko da.
3. Erakustokiaren neurri zehatzak azokak baieztatzen dituen unean zehaztuko dira.



PARTE HARTZEKO EREDUA ETA KOSTUA

PARTE HARTZEKO KOSTUA

CONXEMAR 2024an, Eusko Jaurlaritzako Ekonomiaren Garapen, Jasangarritasun eta Ingurumen Saitetik Euskal Autonomia Erkidegoko arrantza sektoreko produktua eraldatu eta merkaturatzen duten enpresen parte hartzea bultzatuko da.

Daukaten sailkapenaren arabera, enpresek dirulaguntza bat edo beste jasoko dute parte hartzeak dakarren kostua ordaintzeko. Enpresa bakoitzak bere tipologia egiaztatu beharko du. Horretarako, nahitaezkoa da, izena ematean, lehengaien jatorria egiaztatuko duen Zinpeko Adierazpen bat aurkeztea, sinadura zein zigiluarekin.

Euren produktuak jatorri izendapen, AGB edo kalitate egiaztatuko marka ofizial baten pean erregistratuta dauzkaten enpresek ez dute bete beharko Adierazpen horretako taula. Zerga eta Gizarte Segurantzarekiko betebeharrarako onespenuak baimendu besterik ez dute egin beharko.

GARRANTZITSUA:

Stand indibidualen esleipena izena emateko dokumentuak jasotzen diren hurrenkeraren arabera egingo da, eta ezinbestekoa izango da **ordainketaren egiaztagiria**, zure enpresak **zerga-betebeharrak** eta **Gizarte Segurantzarekikoak** egunean dituela egiaztatzen duten agiriak bidaltzea eta **izena emate formularioa** betetzea.

Lehentasuna emango zaie **Euskadiko Elikadura Sistemako Enpresa Jardunbide Egokien Kodeari** atxikita dauden enpresei.



ENPRESA MOTA 1

Batez ere Euskadiko lehengaiz hornitzen diren enpresak. Enpresak produktuaren jatorria egiaztatu beharko du.

- **Stand indibiduala:**
2.135,68 € + % 21 BEZ = 2584,17 €

ENPRESA MOTA 2

Euskadin behar duten lehen sektoreko produkzioerik egon ez eta Euskaditik kanpoko lehengaiak erabiltzen dituzten enpresak.

- **Stand indibiduala:**
3.559,46 € + % 21 BEZ = 4306,94 €

ENPRESA MOTA 3

Euskadin behar duten lehen sektoreko produkzioa egon arren Euskaditik kanpoko lehengaiak erabiltzen dituzten enpresak.

- **Stand indibiduala:**
4.983,24 € + % 21 BEZ = 6029,72 €

EUSKO JAURLARITZAREKIN PARTE HARTZEA

IZENA EMATEKO EPEA: 2024KO OTSAILAREN 29

Leku kopurua mugatua denez, gomendatzen dugu lehenbailehen izena emateko formularioa betetzea eta ordainketaren frogagiria, zinpeko adierazpena, eta zure enpresak zerga eta Gizarte Segurantzarekiko betebeharrak egunean dituela egiaztatzen duten agiriak bidaltzea Sara Zabalo: szabalo@camaragipuzkoa.com

Enpresa parte hartzaileen hautaketa izena emateko dokumentuak jasotzen diren hurrenkeraren arabera egingo da eta lehentasuna emango zaie **Euskadiko Elikadura Sistemako Enpresa Jardunbide Egokien Kodeari** atxikita dauden enpresei.

Eskabidea osorik egon dadin eta kontuan har dadin, honako hau bete beharko da:

IZENA EMATEKO FORMULARIOA BETE

Formularioan eskatzen den informaziotik, datuak zehazki transkribatuko dira zokaren katalogo ofizialerako eta prestatzen diren gainerako elementu promozionaletarako.

[IZENA EMATEAK](#)

KUOTAREN ORDAINAGIRIA BIDALI

Kontu zenbakia: Laboral Kutxako
ES49 3035-0179-61-1791069900
HAZI Fundazioaren izenean.

Laboral Kutxako BIC : CLPEES2MXXX

Kontzeptua: "Enpresaren izena +
CONXEMAR 2024".

ZINPEKO ADIERAZPENA BIDALI

Derrigorrezkoa da enpresa eskatzaileek **Zinpeko Adierazpen** bat aurkeztea lehengaiaren jatorriari buruz, sinatuta eta zigilurekin.

- HAZI Fundazioko Finantza Departamentuak izena ematearen kuotaren zenbateko totalaren faktura bidaliko dizue.

EUSKO JAURLARITZAREKIN PARTE HARTZEA

GARRANTZITSUA

Enpresa parte-hartzaileak hautatzeko, izena emate-agiri guztiak (formularioa eta ordainagiria) jaso diren hurrenkerari jarraituko zaio. Izena emate-data, ondorio guztietarako, inskripzioaren ordainketa egin den eguna izango da, eta lehentasuna emango zaie Euskadiko Elikadura Sistemako Enpresa Jardunbide Egokien Kodeari atxikita dauden enpresei.

Eskatutako izena emateko formularioa betetzeak EZ DAKAR enpresak Euskadiren pabiloian parte hartzea; izen-ematea onartu dela jakinaraziko da.

ENPRESAK FAKTURA JASO, HAU DA, EUSKADIREN STANDEAN SARTZEAREN JAKINARAZPENA JASO ONDOREN PARTE-HARTZEARI UKO EGITEN BADIO, ORDAINDUTAKOAREN %100 GALDUKO DU.

Ezinbesteko kasuetan, eta horietan baino ez, Eusko Jaurlaritzak eskubidea izango du enpresa erakusketariak aurkeztutako arrazoiak aztertu eta, behin-behinean, ordaindutako zenbatekoaren zati bat itzultzeko.

Enpresek ordaindutako zenbatekoak itzultzeko kasu hauek baino ez dira kontuan hartzen:

- Enpresa erakusleek eskatutako gunea Azokaren Antolakuntzak Eusko Jaurlaritzari esleitutako gunea baino handiagoa bada, hautatu ez diren enpresek eskubidea izango dute aurrez izena emateko kuota itzultzeko.
- Eusko Jaurlaritzak halabarrez edo nahiko partaiderik ez dagoelako parte hartzea bertan behera uzten badu, enpresek eskubidea izango dute ordaindutakoaren %100 jasotzeko.

ESKAINITAKO ZERBITZUAK

Eusko Jaurlaritzako Ekonomiaren Garapen, Jasangarritasun eta Ingurumen Sailak, HAZIren bitartez, zerbitzu hauek eskainiko ditu:

1 Espazio kontratatzea

Espazio batekin parte hartuko da, zeina interesa duten enpresen artean banatuko baita, azokaren antolakuntzak ezarritako osasun neurrien eta segurtasun protokoloen arabera.

Espazio promozional batekin parte hartuko da, eta hori enpresa ko-erakusle bakoitzerako pertsonalizatutako stand indibidualetan banatuko da.

2 Stand-aren dekorazioa

Standaren oinarrizko dekorazioa eta altzariak uniformeak izango dira Euskal Herriko erakustokiko erakusketari guztientzat, eta elementu hauek izango dituzte:

- Mahai 1 eta 4 aulki, mostradorea, enpresa erakusketariaren errotulua, hozkailuarekiko biltegia eta konexio elektrikoa

3 Merkantziaren garraioa

Eusko Jaurlaritzak merkantziaren bidalketa bateratu bat antolatuko du esleitutako garraiolari ofizialak adierazten duen lekutik merkantzia standean bertan entregatu arte. Bere garaian, esleipena duen enpresa garraiolariaren datuak emango dira.

Garraioaren kontratazioa indibiduala izango da; ondorioz, garraiolariak zuzenean bidaliko dio enpresa erakusleari merkantzia bidaltzearen kostua, eta zerbitzua enpresaren kontu joango da.

ESKAINITAKO ZERBITZUAK

4 Pabiloia mantentzea (garbiketa, elektrizitatea, ura...)

Eusko Jurlaritzak bere gain hartzen ditu garbiketako zerbitzu orokorrak, elektrizitatea, ura, etab., eta, oro har, pabiloia egoki mantentzeko lanak.

Hala ere, enpresa bakoitzaren ardura izango da norbere standa garbiketa aldetik baldintza egokietan mantentzea.

Stand bakoitzerako potentzia elektrikoko tope batzuk eta gehieneko kontsumo batzuk egongo dira, eta horren berri jakinaraziko zaie erakusketakideei parte hartzea prestatzeko tramiteak hasten direnean.

Oharra: oinarrizko altzariak, elementu elektrikoak edo behar elektrikoak aldatzen badira, kostuaren igoera edo aldaketa eragiten badu, dekoratzaileak zuzenean fakturatuko dio enpresa erakusleari, eta enpresa horren Merkantziaren garraioa kontu izango da zenbatekoaren igoera.

5 Hotz kamerak eta beste etxetresna batzuk

Hotz kameren eta beste etxetresna elektrikoen alokairua erakuslearen kontu izango da. Halere, Saila enpresen esanetara jartzen da zerbitzu hori kontratatzea koordinatzeko, eta hornitzaileak zerbitzuak zuzenean erakusleari fakturatuko dizkio.

6 Azokaren katalogo ofizialean sartzea

Eusko Jurlaritzak azokara joaten diren enpresa erakusle guztiak azokaren antolakuntzak argitaratzen duen katalogo ofizialean agertzeko egin beharreko tramite guztiak egingo ditu; bertan ekitaldiko erakusle guztiak agertzen dira erregistratuta ([izena emateko formularioan](#) jasotako datuak agertuko dira).